



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Reginæ Mariæ.

urn:nbn:de:hbz:466:1-20020

olim ad eandem Ecclesiam à parochianis ipsius, qui quasi possessionem juris patronatus habebant in ea, Giliberto quondam Abbatii p̄fati monasterij fueris presentatus, & sine contradictione cuiuslibet institutus, postmodum codem viam universitatem ingresso, successor ejusdem tibi super Ecclesiam memorata mouere quæstionem incepit, sed ab ejus impetione sententialiter absolutus per Episcopum Trajectensem, ad majorem cautelam per eundem tuum adverarium in p̄dicitæ possessionem Ecclesie corporaliter es inductus. Vnde postulabas à nobis ut super ea ipso tuo adverario silentium imponere dignaremur, quam à suis prædecessoribus legitimè fueras asseditus. Verum cùm p̄fatus auditor hac & alia quæ coram eo partes proponere voluerunt nobis fideliter retulisset, & quæ utrinque probata fuerant intimasset, nos tibi adjudicare curavimus Ecclesiam s̄pedictam, super ea perpetuum silentium tuo adverario imponentes. Nulli ergo &c. nostræ diffinitionis &c. Si quis autem &c. Datum Laterani 14. Idus Februarij, anno decimo.

EPISCOPO, T. ARCHIDIACONO,
& Scholastico Tornacensi.

Epiſt. 208.
Quod inqui-
rant contra
Episcopum
Traiectensem.

LIcet Trajectensis Episcopus coram venerabili fratre nostro Hostiensi Episcopo & dilecto filio Leone tituli sanctæ crucis Presbytero Cardinale apostolice sedis Legatis & magnatibus pluribus, quod non pervenerat ad eundem excommunicationis sententia qua ipsum fecimus innodari, nec contra sedem apostolicam cum quibusdam Clericis conjunctionem inierat, se nisus fuerit multiplicitate excusare, frustra tamen juxta Salomonis sententiam jacit rete ante oculos pennatum. Verum quia idem nobis humiliter supplicavit ut ipsi beneficium absolutionis faceremus impendi, quod humiliter postulanti non debet aliquatenus denegari, discretioni vestra per apostolica scripta districte præcipiendo mandamus quatenus ab eo in publicum juratoria cautione recepta quod sine conditione aliqua & tenore parebit apostolice sedis mandatis, ipsi ablutionis beneficium impendere procuretis, post hæc monentes eundem attentius & efficaciter inducentes ut Parent. & P. de Cicc. civibus Romanis, Alex. & Accat. mercatoribus Senenibus, vel iplorum nuntiis, de pecunia quam eisdem tenetur exolvere, sicut continetur in authenticis instrumentis, satisfacere stu-

deat usuris cessantibus vel componere cum eisdem; & si necesse fuerit, ipsum ad hoc tam per vim juramenti quam per censu ram ecclesiasticam appellazione postposita compellatis. Vos autem utrum ad eundem Episcopum venevit notitia excommunicationis prolatæ in ipsum, vel quod pervernerit fama publica protestetur, seu etiam celebraverit postquam pervenit ad eum quod vinculo erat excommunicationis affectus, aut contra sedem apostolicam cum aliquibus conjurarat, per juramenta dilectorum filiorum N. sancti Pauli, Corr. de Staur. & N. de Ostbruc Abbatum, & R. sanctæ Mariæ, W. S. Petri, & Otc. sancti Bonifacij Praepositorum, & aliorum, inquiratis diligenter veritatem, & quæ super iis inveneritis, fideliter redacta in scriptis sub sigillis vestris ad nostram presentiam transmittatis. Quod si non omnes &c. tu frater Episcope &c. Datum Late rani 14. Idus Februarij, anno decimo.

ILLVSTRI REGINÆ MARIE.

QUANTO ferventius viri tui profectum diligis & honorem, tanto propensius ad ea semper agenda debes ipsum inducere quæ Deo ac nobis debeant complacere, ab illis penitus abstinentio quæ divisionem & nostram meritò provocarent offendam. Ipse vero, sicut catholicus Princeps, quædam nobis nuperimè litteras devotiones plenas & discretione non vacuas destinavit, imploras ut postulationem de Waldemaro Episcopo Sleevicensi à Bremensi Capitulo factam admittere dignaremur, ipsumque ad Bremensem metropolim promovere. Nobis igitur super hoc deliberare volentibus.. nuntius dilectorum filiorum Praepositi, Decani, & Capituli Hammeburgensis adveniens, eorundem nobis litteras presentavit, per quas nostro apostolatu nuntiarunt quod cùm olim Hammeburgensis Ecclesia metropolitica, Bremensis autem episcopali dignitate gauderet, eadem fuerunt Ecclesiae auctoritate sedis apostolice cuncta, ac extunc usque ad hæc tempora Ecclesiae utriusque Canonici Bremensem Archiepiscopum pariter elegerunt. Vnde quia nuper Praepositus, Decanus, & Capitulum Bremense tam ipsis quam quibusdam religiosis viris, qui electioni debuerant interesse, penitus inconsultis, memoratum Episcopum in Archiepiscopum postularant, à nobis sollicitè perierunt ut quod circa postulationem eandem ab illis fuerat in eorum præjudicium attentatum, in statum debitum re-

Epiſt. 209.
Adversus Epis-
copum Slevi-
vicensem.
Vide infra epif.
217. lib. 12. epif.
63. lib. 13. epif.
158. lib. 13. epif.
3. & Arnold.
Lubet. lib. 7.
6. 11. 15.

ducere curaremus. Præterea cùm fuisset idem Episcopus de mandato nostro à carcerali custodia liberatus, & contra ipsum in nostra demum præalentia constitutum nuntij. Danorum Regis illustris quedam gravia objecissent super quibus ille se inculpabilem ostendere nitebatur, eidem Regi, sciente ac volente præfato Episcopo, per scripta nostra mandavimus ut, ne causa remaneret diutiùs in suspenso, aliquos viros providos & fideles usque ad festum natalis Domini proximò præteritum ad sedem apostolicam destinareret, eisdem potestate concessa ut per eos & cum eis, si desuper datum esset, concordiam super ipso negotio tractaremus. Alioquin auditis & intellectis quæ per eos adversus Episcopum ipsum idem Rex duceret proponenda, & illis quæ in sui defensionem Episcopus allegaret, de vultu nostro procederet judicium æquitatis. Cùmque postmodum propter hoc dilectus filius ⁺.. Præpositus Regis ipsius nuntius, dum tractatus super postulationis articulo haberetur, nostro se conspectui præsentasset, memoratus Episcopus ipso præsente restitutionis beneficium postulavit à nobis, afferens se per Regem tam episcopalibus bonis quam etiam patrimonialibus destitutum. Cui dictus Præpositus ex adverso respondit quod non rite poterat restitutionis auxilium implorare, cùm ipse se duxerit spoliandum, dum clericalem habitum derelinquens, * regium sibi titulum usurpavit. Insuper lèse majestatis, apostolæ, adulterij, perjurij, dilapidationis, & conspirationis crimina eidem obiciens, proponebat non solum ei fore restitutionis beneficium dengandum, sed etiam postulationem de ipso factam penitus respuendam; præsertim cùm irregularis existat, utpote de dupliciti adulterio procreatus, ejusque dispensatio fuerit olim ab apostolica sede per subrepitionem obtenta, suppresso quod esset spurius, & expresso quod existeret naturalis, cùm & paternæ incontinentiae imitator filios habeat post sacros ordines generatos. Nos autem ad ea quæ pacis sunt intendentes, petitionem ipsius super restitutionem tam episcopatus quam patrimonij sibi plenariè facienda in favorem ecclesiastice libertatis duximus admittendam, concedentes eidem ut si fortè nollet se credere dicto Regi, per procuratorem idoneum restitutionem actiperet corporalem, & ipse interim in quo mallet loco maneret eidem Regi meritò non suspecto. Qui cùm respondisset se velle per procuratorem ido-

neum restitutionis beneficium obtinere, ac de loco in quo mansurus esset interim deliberatorias inducias accepisset, ingratu gratiæ sibi factæ, fraudulenter & contumaciter à nobis ⁺ illicentiatu aufugit, ^{* Arnold. La- bœc. lib. 7. c. 12.} haud dubium quin, si posset, ut præceptam malitiam exequatur. Vnde nos ex parte omnipotens Dei parris & filij & spiritus sancti, auctoritate quoque beatorum Apostolorum Petri & Pauli ac nostra excommunicamus & anathematisamus eundem, postulationem de ipso factam, qua omnino reddidit se indignum, penitus reprobantes. Quocirca serenitatem tuam exhortandam duximus & rogandam, consilentes & suggerentes fideliter ac prudenter, quatinus virum tuum diligenter moneas & inducas ut præfato Episcopo nullum præstet auxilium vel favorem, sed eum tamquam excommunicatum viret, neque per ipsum aut propter ipsum permittat in Ecclesia Dei scandalum suboriri, per quod etiam contra se posset non leve scandalum generari, cùm nos tantæ malignitatis audaciam in eodem nolimus Episcopo sub dissimulatione transire. Datum Laterani.

HERBIPOLENSI ELECTO.

Dilecti filii Præpositus, Decanus, & Capitulum Bremense per suas nobis litteras intimarunt quod .. quondam Archiepiscopo suo viam universæ carnis ingresso, ipsi convenientes in unum, & de pastoris substitutione tractantes, in Waldemarum Episcopum Slevicensem vota sua unanimiter contulerunt, humiliter implorantes ut postulationem de ipso factam admittere dignaremur. Nobis igitur &c. in eundem fere modum ut supra usque. Quocirca discretioni tuae per apostolica scripta præcipiendo mandamus quatenus personaliter accedens ad Principem, diligenter cum ex parte nostra moneas & inducas ut præfato Episcopo nullum præstet &c. *sicut supra usque* transire. Discretioni tuae distractius injungentes quatenus prænominationum Episcopum excommunicatum manifeste denunties, & postulationem ipsius penitus reprobaram; mandatum apostolicum taliter impleturus quod devotionem & discretionem tuam debeamus meritò commendare.

